

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.



QUÆSTIO MEDICA*,

QUOD LIBETARIIS DISPUTATIONIBUS
manē discutienda in Scholis Medicorum, die Jovis septimā mensis
Februarii, anno Domini M. DCC. LXXXII.

M. JOANNE D'ARCET, Chemiæ Professore, Professore Regio,
Academiæ Regalis Medicinæ Matritensis Socio, Doctore Medico,
Præside.

An in Febribus Malignis, post venæ sectionem, citò citius Emeticum?

I.

QUIDQUID humano corpori contrā Naturam accidit, morbus appellatur. Hinc inter morbos, qui animalem œconomiam invadunt, febris recensenda, cum nihil aliud sit quàm sanguinis motus præternaturalis acceleratio. Febris autem alia est lenta, alia acuta. In febre lentā, sola adest motus sanguinis acceleratio, plerumque tamen intermissio. In febre verò acutā observantur & magnitudo pulsationum, & tensio. Ager plenitudinem, siccitatem, erethismum ac capitis dolorem per sentit. Respiratio citatior est, deservit dolor circa renes ac in omnibus ferme ossium juncturis, molestat ventriculus, os amarefcit, saliva spissa est ac glutinosa, parciores effunduntur urinæ, imminuitur perspiratio, cæteræque functiones collabescunt, alvinæ fæces obdurantur, desiccantur, retinentur, &c.

Quamquam febris maligna de acutarum genere sit, nihilominus tamen pluribus admodum discrepantibus symptomatibus stipatur, nec à communibus causis producit, febris simplici similis; pulsus enim similis naturali, & urinæ dilutæ flavæ, nihil mali ægro portendere videntur. At gravissima insurgunt symptomata, ut delirium, phrenesis, quasi fracta concidunt membra, gravatur caput, ut pondere quodam oppressum. Non minùs debilis est æger, quàm si è gravissimo morbo convalesceret, delirat interdum, interdum ratione gaudet suā. In hoc eodemque statu permanet duobus aut tribus dein diebus; mox pulsus rigescit; exsiccatur cutis, nigrescit lingua, licet portiones adhibeantur refrigerantes, caput magis ac magis corripitur; succedit delirium, phrenitis. Exacerbatur febris, symptomata adaugentur. Ager quandoque videtur moribundus; paulò post tranquillus est, uno verbo spem inter metumque fluctuat semper, prodeunt quoque tendinum subsultus, coma vigil, somnolentum, frequentissimæ syncopes, vomitus sine causâ manifestâ, convulsiones in faciei musculis præsertim; tandem erumpunt pustulæ rubræ, nigrae, abscessus, bubones & alia quàm plurima, &c.

II.

AB omni ævo ascripta est causa febrium malignarum certis miasmatis in sanguinem intrinseccis, motum febremque excitantibus. Posteriori sæculo nova surrexit opinio, à D. Chirac proposita. Vir ille, cum ex professo morbum pestilens

* Auctore M. Joanne S. JOIRE, D. M. P.

tialem curasset, cadaverum sectionibus compertum habuit cerebrum inflammari; inde sanandi methodum deduxit Saphenæ sectione esse tentandam. Eam felices successus confirmarunt.

Notandum tamen venit, plurimas esse malignas febres absque inflammatione cerebri. Nèdum praxis D. *Chirac* in hisce febribus usurpanda sit, quin imò prorsus respuenda. Plerumque enim in his nullus percontitur capitis dolor, vultus nèdum rubeat, concidisse videtur: plerumque etiam ut malignæ solo exacerbationis tempore apparent.

Febrium malignarum causas à miasmatis primarum viarum, sanguinem inficientibus deducendas demonstrat, earum per evacuantia sanatio. Plurimæ enim malignæ censentur febres, quæ ab hac unicâ causâ pendent. Ipsa tamen sanguinis putrefactio, quæ stasi ac concrementis debet originem inter causas sanè annumeranda. Plerumque secretiones imminutæ, gangrena quarundam partium, ipsiusmet aëris contagium ansam præbent febri malignæ. His causis addi etiam possunt mœror, & tristitia; nihil enim vulgatius est quàm ejusmodi febres malignæ in iis qui nuperimè è regione sua exceserunt; in annonæ caritate, cum quocumque alimentorum genere velsi cogimur.

At verò cuiusnam naturæ miasmata sanguinem contaminantia; acidane; an alkali; Germani existimantes acida, in febribus malignis terras absorbentes, corralia, &c. alii verò alkali; præscribunt acida. Alkali-volatilem naturam horum miasmatum omnia demonstrant; si diutius in vasis stet sanguis, si velocius fermentationis motum. Animalia corpora sibi permixta, calori exposita concipiunt fermentationis motum. Integrantes fluidorum partes in sua resolvuntur principia, nova constanter entia, exurgit alkali-volatile cum exigua olei parte immixtum inucundissime nares afficiente. Quid tale in corpore humano generari demonstrat peculiaris perspirationis odor in cacochymicis; præsertimque in iis qui vitam agunt desidem, peculiare illud effluvium melancholicarum affectionum histericarumque gignit insultus quos semper comitatur dolor. Quin & sanatio per acida blanda contra refragantes alkali invictè probare posset. Si contràctiori alveo agatur sanguis, si rarefactione & calore expansus sit, si diutius in eo statu permaneat, totam ipsius molem dissolvi necesse est, brevi enim tempore, quidquid serosi inest, calore absumitur, concrementum in viscositatem inflammatoriam, resolvitur in sales volatiles & olea acris machinam humanam brevi erosura.

In febribus malignis, post venæ sectionem, emeticum propinare quid obstat? An subjecti debilitas? Vires opprimuntur quantitate saburra. An quod addit saburra dubium? est nausea, vomitus ipse præmonstrat. An violenta contractio musculorum abdominis & dolores in ventriculo & intestinis enati? ai momentanei sunt. An inflammationis periculum? cavet & obest præmissa venæ sectio. Misto sanguine, suscitatur ab emesi contractiones nullam ergò inflammationem inducunt. Quin imò sanguis in alveo manat celerior, calor à rarefactione aut à quantitate pendens extinguitur, peraguntur secretiones facilius, redintegrareturque omnium partium actio, si stabulans in ventriculo & intestinis evacuetur saburra; quod optimè succedit, citò citius exhibito emetico.

I I I.

IN ægri perniciem sæpè judicantur febres malignæ. Febrium initii nulla speranda crisis; insidiosa levatio sine signis levationis. Febricula cum comate & capitis dolore mortifera. Ut plurimum adeo favam induit faciem, ut celeritate & nocendi periculo omnes & singulas ægritudines exsuperet. Quod si ab initio hi morbi non debellantur, in mortem abeunt citissimam, ut plurimum in inflammationem cerebri, pulmonis, abdominis, quin imò in earumdem partium suppurationem & gangrenam. Quoties autem in sanationem abeunt, illud fit per metastases; bubones nempe, paro-

tides, aurium abscessus, sudores, alvi excretiones, &c. Medici officium est non modò præsentēs morbos sanare, sed & futuros præcavere. Primariis malignorum morborum symptomatibus, sæviora succedunt quæ Medico incumbunt eradicanda. Febris maligna primùm continua exacerbatur tantùm digestionum vitio ac magis corruptæ in ventriculo saburræ præsentia. Secretiones ferè omnes tunc supprimuntur, urina parca aut nulla mingitur, curis arescit, nigrescit lingua, tremula exeritur, convulsionibus exercentur maxilla inferior & faciei muscoli, tumet abdomen totum, corpus occupant exanthemata. Hæc ingravescent omnia neglectis ab initio evacuanti-
bus. At quanam usurpanda sunt evacuantia? Nonne calor febrilis omnis evacuantis inimicus? Nonne indicationum natura idem prohibet? Minimè in his difficultatibus immorandum. Urgentiori casui occurrendum, ac obstandum esse causæ primùm, symptomati deindè præcipit Hippocrates: quod quidem non rutiùs quàm emeti perfici potest. Fugit irreparabilis propinandi occasio. Omnibus pollet ad attingendum scopum facultatibus: 1°. Citò citiùs suum fortitur effectum, copiosius ventriculum evacuat quàm quodlibet evacuans: 2°. irritationem tantùm inducit omni purgante leviorē. Materiæ in ventriculo nidulantis egestionem antecedunt lysis, lipothimia syncope, delabuntur à cerebro ad ventriculum spiritus animales, partium internarum & ventriculo inferiorum atonia liberam præbet facibus alvinis descensum, copiosa salivæ excernitur quantitas. Mox sequitur convulsiva maxillæ inferioris depressio, dein facta inspiratione contractisque musculis abdominalibus & ventriculo, inerte diaphragmate, expellitur fursim & ut plurimùm deorsum hujusce materiæ abundans copia. Hæc autem si diutius in intestinis retineatur, magis ac magis putrescit à venis mesaraicis exsurgit & ad subclaviā venam per ductum thoracicum & ad cor transvehitur. Hinc pulmones emensa totam sanguinis molem inficit, & partes solidas incendio & vi suā deleteriā consumit. Nullæ febres longiori tempore solvuntur quàm febres malignæ. Etenim ad 30; 35, 45 dies producuntur, nullæ pepasmo resistunt contumacit. Quid ut citò solvantur emetico potentius?

I V.

NULLA maj'oris est momenti methodus eā, quā non modò præsentia mitescent symptomata, sed & præcaventur futura, & quā bona pars hominum febre malignā correptorum ab Orci faucibus eripitur. Cui ut obtemperemus, natura, causæ & febris præcipiunt. Præmissā venæ sectione, non una tantum vice exhibeatur emetica potio, at iteretur pro casus exigentiā. Magistra edocuit Medicos experientia omnes alvi fluxu tentatos in febribus malignis, licet cum signis cruditaris, fuisse sanatos (a), alvus laxa semper fervetur; nullus morbus adeo evacuantium usum requirit. Hæc Naturæ via si deficit, arte juvanda, morbum sequi, pepasmani, crism expectare nefas (b). Licet ea movere quæ in perturbatione critica non judicantur feliciter Veteres tartaro sibiato destituti, helleboro autem & azaro ad ciendum vomitum instructi; thithymale, cucumere silvestri; aloë, myrrhā evacuandos esse humores solo cōsatione tempore merito affirmabant. Nulla enim medicamenta sunt quæ ardorem, inflammationem citiùs ciant. Ac nedum resciant vires, contrā exhauriunt; infidiosaque levationem sine signis levationis asserunt. Plenā dosi tutissimè vomitum excitat tartarum sibiatum, refractā autem blandè alvum subducit, eo solo per totum malignarum decursum uti possumus. Suam actionem in ventriculum & intestina exirit, nullum sanguini peæternaturalem motum suā ab intestinis translatione impertitur. Nec eo tantum nomine commendandum quod in febribus malignis sit necessarium, verum etiā quòd in omnibus ferè febribus profit maximè, vel in ipsāmet febre lentā. Quid in anginā rutiùs præmissā venæ sectione? Quid in variolis feliciùs succedit? Non minùs curiosa quàm notabilis est hanc in rem observatio Riverii de quodam qui ex symptomatibus, dolore capitis & nauseā se peste laborare conjecit: illic pennam oleo ilitam in fauces immisit; quā eductā

(a) Hippoc. lib. Epist. Galenus de aia bñe, cap. IV. Fabius, Columna de peliliens febre. Valleriola observ. l. 6 de febribus. Skenkilius observ. l. 6 de febribus. Riverius observ. Centuria 1, observ. 47 & 57. Item centur. 2, observ. 34 & 37.

(b) Benedictus de febribus. Manardus lib. 23. Epist. ad Barthol. Casandinu de expectando pepasmo Hippoc. ait doctum nam resurascere.

4

per vomitum materiâ primùm ferosâ, dein flavâ, tandem porraceâ, in lectum se contulit, jusculum sumpsit, & illicô convaluit.

V.

VETERUM Medicorum, in curandis febribus malignis, praxim nedû n imitemur; contrâ, suprà expositæ recentiorum methodo incumbendum esse unice censemus. Aiunt enim veteres: in febre malignâ prostratæ vires, pulsus exilis & inflammationis absentia tum à venæ sectione, tum ab emesi dissuadere videntur, solisque potionibus cardiacis utendum, ut à corpore perspirationis beneficio heterogenea eliminentur miasmata. At quamvis plurimæ febres malignæ inflammatione destituantur, non idcirco rejicienda methodus nostra. Ideò enim obruunt vires, quòd in primis viis hereat infarctus & saburra, quæ nisi per vomitum evacuetur, brevi corpus universum pessumdaret. Causâ verò avulsâ, evanescent symptomata, quâ autem remanente certò certius ingravescerent. Cardiaca ne adhibeatis, cum felix docuerit experientia hæc febres rarissimè, si unquam, solvi sudoribus, solis verò sanari posse purgantibus. Concocta purgare oportet non cruda, instabunt adversarii. Istius aphorismi falsitatem rationibus in thesi allatis probavimus; dùm enim materia turget, evacuanda; semper autem turget in febre malignâ. In febribus malignis cum inflammatione cerebri, saltem ab emetico cavendum & abstinentium. In vomitu nempè convellitur abdomen, facies valdè rubet, inflammantur oculi, vomitus sanguinis seu hæmophytis excitatur. Ne dum horum symptomatum terrore perculsi, ab opinione nostrâ deterreamur, quin imò eidem fortius adheremus, cum aliundè certâ experientiâ compertum sit, methodum assignatam non modo sanandis febribus malignis, sed etiam ipsimet peripneumonix competere.

Ergò in febribus malignis, post venæ sectionem, citò citius Emeticum.

DOMINI DOCTORES DISPUTATURI.

M. Josephus-Ignatius GUILLOTIN.

M. Joannes COUTAVOZ, Chirurgia, latine idiomate Professor.

M. Henricus-Michael MISSA, Regii Medicorum Collegii Nancianorum Socius honorarius, antiquus Regis Exercituum in Germaniâ Medicus ordinarius, Censor Regius, Academiæ Catalaunensis Socius.

M. Carolus-Jacobus-Ludovicus COQUEREAU, Serenissimi Condai Principis Medicus ordinarius, nec non Regis apud Pediatum tum Gallicum tum extraneum Consiliarius Medicus.

M. Joannes-Baptista-Eugenius DUMANGIN, utriusque Pharmaciæ Professor designatus.

M. Joannes-Nicolaus MILLIN DE LA COURVEAULT.

M. Franciscus LE MOINE,

M. Thomas LEVACHER DE LA FEUTRIE, ex-Decanus & Academiæ Censor.

M. Petrus Abrahamus PAVON DE MONCETS, Eques, in Urbis Præfecturâ Medicus ordinarius, Academiæ Regiæ Catalaunensis, nec non Societatis Rei Agrariæ Aurelianensis Socius.

Proponebat Parisiis PETRUS PUJO, Parisinus, Doctor Medicus Remensis, Nolepconiorum Militarium, Regis Exercituum in Normanniâ Medicus, pægon Saluberrimæ Facultatis Medicinæ Parisiensis Baccalaureus.

A. R. S. H. 1782. AB OCTAVA AD MERIDIEM.

Typis GUILLAU, Universitatis & Facultatis Medicinæ Typographi. 1782.